

Investigacion

— Capitulo 4 —
Papiando di "Violencia Fisico"*Skirbi pa: mr. dr. Alida 'Lily' Marval***Preguntanan tocante violencia fisico**

A uza 10 preguntanan pa midi e prevalencia di violencia fisico: Lo bo por bisa cu ta of tabata berdad cu: (a). El a pasa bo un wanta, (b). el a tira algo riba bo pa herida bo, (c). el a pusha bo, lastra bo of ranca bo cabey, (d). el a dal bo un mokete, (e). el a suta bo, (f). el a scop bo, (g). el a purba di choca bo, (h). el a purba di kima bo cu un obheto of cu un cigarra, (i). el a menaza bo cu un cuchiu, (j). el a menaza bo cu un revolver?

Di e total di 661 respondientenan, 97 persona (14.67%) a menciona cu nan a experiencia un of mas forma di e abuso aki. Esey kier men cu un di cada 7 hende muhe a yega di experiencia por lo menos un forma di e abuso aki.

Mencionando e agresor:

Di e total di 97 respondiente, 36 persona (37.11%) a menciona nan casa of pareha; 47 persona (48.45%) a menciona un ex-pareha; 5 respondiente a menciona: tur dos, loke ta 5.15% y 9 respondiente loke ta 28%, no a contesta.

**EMOCION/SENTIMENTONAN TOCANTE VIOLENCIA FISICO**

Sentimento/Emocion n	Nada n=%	Apenas un tiki n=%	Tin biaha si, tin biaha no n=%	Un tiki n=%	Masha hopi n=%	Total N
Mi a sinti berguensa	12=16.00 %	0=0.00%	11=14.67%	10=13.33 %	42=56.00 %	75
Mi a sinti impotente	13=16.05 %	1=1.23%	8=9.88%	11=13.58 %	48=59.26 %	81
Mi a sinti miedo	10=11.63 %	2=2.33%	8=9.30%	10=11.63 %	56=65.12 %	86
Mi a kere cu ta normal	53=75.71 %	2=2.86%	10=14.29%	3=4.29%	2=2.86%	70
Mi a kerecu mi merece	57=83.82 %	0=0.00%	8=11.76%	2=2.94%	1=1.47%	68

Emocionnan tocante Violencia Fisico

E Tabel aki ta muestra cu e emocion mas menciona ta "mi tabatin miedo" (86.05%), sigui pa "mi a sinti berguensa" y sigui despues pa "mi a sinti impotente". E opcionnan "mi tabata kere cu e ta normal" y "mi a kere cu mi ta merece" a ser rechaza pa respectivamente 75.71% y 83.82%.

Pero tog tabatin un di cada 4 respondiente cu ta pensa cu esey ta normal y one di cada 6 cu nan ta merece.

Midimento di e frecuencia di e Violencia Fisico:

E frecuencia ta ser midi dor di pidi e respondientenan cuanto biaha esaki a pasa: "un biaha so; algun biaha; mas cu un biaha pa aña, pero no tur luna; por lo menos tur luna, pero no tur dia; (casi) tur dia; tabata varia; mi no por corda.

E resultado ta lo siguiente:

"Un biaha" ta e contesta duna pa 24 respondiente (cu ta 25%). "Agun biaha" ta e contesta duna pa 39 respondiente (cu ta 40.63%). "Mas cu un biaha pa aña, pero no tur luna" ta e contesta duna pa 10 respondiente (cu ta 10.42%). "Por lo menos un biaha pa luna, pero no tur dia" ta e contesta duna pa 5 respondiente (cu ta 5.21%). "(Casi) tur dia" ta e contesta duna pa 10 respondiente (cu ta 10.42%). "Tabata varia" ta e contesta di 10 respondiente (cu ta 10.42%). "Mi no por corda" ta e contesta di 1 respondiente (cu ta 1.04%). E frecuencia mas menciona ta: "Agun biaha".